

Eddie's Radio-Show - BAP

Quelle und Übersetzung: www.bap.de

1) Et woor en stinknormale Naach,
noch woor nix jrooß passiert.
Er hatt et Radio ahnjemaht
un dann nit hinjehührt:
"En dämm Dinge läuf
dä janze Daach däselve Müll.
Su joot wie nie kütt ir`ndjet
wat mer wirklich hühere will"

2) Op eimohl daach`e: "Wat ess dat,
dä kenn ich doch woher!?"
Ne Spot für`n Marjerien,
et konzentriere feel ihm schwer.
Eins woor secher:
Die Stemm woor positiv besetz.
Op eimohl hatte`t: Da`s dä D.J.,
dä`e johrelang vermess hätt:

Refrain:

"Radio Show, here is Eddie`s Radio-Show"
Wie lang ess dat her un vüür allem wieso?
"Radio Show, here is Eddie`s Radio-Show"
Wie lang ess dat her un vüür allem wieso?

3) En singem Kopp leefte
zehnmillione Minifilme aff.
Dank dämm Eddy hatte`t domohls
durch su manche Naach jeschaff.
Vun ihm hatte mieh jeliehrt,
als op der Universität.
Er hätt ihm sulang zojehührt,
bess datte ir`ndwann saare däät:

- Refrain -

4) Er sooß do, wie en Trance,
et Radio hatte ussjedriecht
un sing Jedanke noh dä janze
Bands un Sänger durchsieb,
die`e zum eezte Mohl
beim Eddy bemerk.
Dä Klos em Hals dä jing nit weg,
dä hätt sich eher noch verstärk.

- Refrain -

5) Wieso löht mer sich dat jefalle?
Wieso mähste dat bloß mit?
Jäje dä Schrott, dä sich "FORMAT" nennt
Wieso wehrste dich sich bloß nit,

all die Umweltsünde,
die jetarnt sinn als Musik,
Seife Oper Fuzzies
un Container-Freaks?

- Refrain -